



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

lesu Christi Annus. M.D.LXXVII. Sancti Patris Benedicti. M.XCVII.

**urn:nbn:de:hbz:466:1-38498**

Christo-  
phorus Abb.  
Prumien-  
sis.

mani Imperij decus Reverendissimus & Illustrissimus Dominus Christophorus, celeberrimi Prumienfis Archiepiscopi meritissimus Abbas, Comes de Manderfcheide; vir non minus omni Virtutum cultu, & eruditionis laude, quam Generis sublimitate & antiquitate præstantissimus. Ipsum hæc breviter verbis monumenta ejusdem Cænobij celebrant: *Fuit sacrarum humanarumque litterarum peritissimus, moribus castus, conversatione devotus, Monastica Discipline promotor fervidus, humilitate exemplaris, quippe qui Episcopatum Leodiensem [ ecce primævum Benedictini Ordinis in tanto reiiciendo Principatu, Spiritum ] ultro sibi oblatum, constanter recusavit, Orator suus egregius, ita ut etiam imparatus & extemporaneus, in solemnibus Imperij Comitibus, Oratore suo obmutescente, ipse mox taliter peroraret, ut Imperator, omnesque Principes toti obstupescerent, & Principem hunc supra modum laudarent & colerent.* Vita excessit exemplar absolutissimi Præfulis & Pastoris 28. Augusti, præsentis anni, susceptis devotissimè omnibus Ecclesiæ Sacramentis, cujus memoria est in Benedictione. *Ex monim. ejusdem Cænobij.*

Franciscus  
de Macha-  
do.

In Hispanijs celebre admodum nomen est R. P. Francisci de Machado Abbatis Tomaraensis, viri cum ob singularem eruditionem, tum egregiam vitæ integritatem non solum suis reverendi, sed Principibus charissimi, cujus etiam opera in rebus magni momenti utebantur. Reliquit aliquot egregij ingenij monumenta, quæ inter duos præstanti eruditione libros, contra juratissimam Christi Divinitatis hostem, gentem Judæorum; librum item Epistolarum ad Henricum Lusitaniæ Principem sacræ Rom. Ecclesiæ Cardinalem, postea Regem. Duos etiam libros rerum gestarum & vitæ sanctissimæ Beatarum Teresæ & Sanctiæ Reginarum sanctimonialium Regulam S. P. Benedicti sub sacra Cisterciensis Reformatione professarum, in quarum acta, jussu Sebastiani Portugaliæ Regis sedulo indagavit. *Chrysof. Henriq.*

Joannes  
Coquei  
Abb. Morimund.

Mortalitatem hoc etiam anno exiit Joannes Coquei Abbas Morimundensis, Vir eruditissimus & zelosissimus, Doctor Theologus facultatis Parisiensis,

Rector olim Collegij S. Bernardi ibidem, Visitator Ordinis strenuus, & Reformationis per Galliam, Flandriam, Lotharingiam, & Sabaudiam promotor meritissimus, etiam Regibus pro Juribus Ordinis obtinere non veritus, æterna commendatione dignus. *Bern. Brito. Ang. Manrique, &c.*

IESU CHRISTI ANNU S. M. D. LXXVII.  
Sancti Patris Benedicti. M. XCVII.

Hoc demum anno Vir verè Admirabilis sanctissimæ memoriæ Joannes de la Barriere Commendatarius antehac Abbas Fulienfis Monasterij, cum antea Romam profectus intentionem suam Romano Pontifici distinctius aperuisset, seque expectorando, eundem merito in magnam rapuisset admirationem, benedictione Pontificia recepta, lætus ad suum reversus Monasterium, cum etiam non unum solummodo, sed plures annos sese tanquam novitium Tyrunculum, per magnum vitæ rigorem strenuè exercuisset & probasset, Monachum solemniter professus, & ita quidem est, ut non ex more suorum, sed ad amulsum & unguem sanctissimæ Regulæ, minora æquè ac maxima servare polliceretur. Servavit ut pollicitus Numini est, & ita quidem ut Redivivum Restituta in integrum Benedictinæ Legis, & Primævi Spiritus exemplar admirationi omnibus esset; verè triumphati mundi, subactæ carnis, cacodæmonis protriti, ipsius ipsissimus tantæ Victoriæ Trophæum, ipso quoque Numine tanti viri conatus, non sine prodigio approbante, cum Vir Illustrissimus, nullis proficientibus ad eum usque suæ Professionis diem Medicorum consilij & remedijs, morbo, quo graviter laboraverat, Comitiali, ex tunc liber prorpsus & incolumis evaderet, totus deinceps in eo, ut Numini suoque Archiparenti B E N E D I C T O, creditos sibi de novo, & meliore nunc titulo, Ascetas reconciliaret, suisque & persuasionibus, & exemplo lucraretur. Egit hoc summa qua potuit induitria, & quibuscunque potuit modis, etsi apud plerosque oleum perderet & operam; tenrandos nihilominus omnium animos censuit, & incredibile penè est, quantis artibus usus sit, quantos labores pertulerit, quanta pa-

P. Joan. de  
la Barriere  
sit Mon.  
chus.

Verus nunc  
Pastor effi-  
citur.

tiencia aliquorum improbitatem, injurias contempnumque pertulerit, de cujus paulo post ulterioribus conatibus, audiemus. *Ex Vita & Monumentis Fuliensium & Amicissimo nobis Philippo Malabayla.*

Ipso anno Illustrissimus & Reverendissimus Gerardus Americurius noster Audomarensium, ex Monacho & Abbate Bertiniano Episcopus communem mortalium viam moriendo ingreditur, relicta nominis fama immortalis. Vir fuit, teste Ferreolo Loricario, pietate, prudentia atque liberalitate commendabilis, studiosorumque singularis amator: ac proinde recte de eo Joannes Molanus, libro de Canoniciis 2. cap. 42. ita scribit: *Valde porro Seminario Clericorum erigendo, occurrit illustre in Belgio exemplum Gerardi ab Hammericourt Abbatis Monasterij Sancti Bertini, quod est intra oppidum S. Audomari, & ejusdem oppidi primi Episcopi, cujus ante paucos annos defuncti memoria & Benedictione est: Is enim, necdum in Episcopum postulatus, ac proinde ut Abbas, non ut Episcopus ( ecce quam accurate exponderet meritum in Monacho dignum Episcopo factum doctissimus aequè ac Religiosissimus Scriptor Molanus) in sua civitate incipit in honorem septuaginta duorum Discipulorum Christi, pro totidem studiosis fundationem erigere, ac dotare, ne unquam, aut Civitati, aut Territorio Audomarensi, boni & veri pastores, ab Abbate plerisque in locis nominandi deessent. Ad quorum etiam institutionem, & totius Urbis suae majorem ornatum, Episcopus factus, Collegium Societatis JESU ibidem & erexit & dotavit. Denique ut Seminarium illud non tantum Seminarium sed etiam Plantarium esset, in Lovaniensi Universitate domum exstruxit, quam Collegium Sancti Bertini dici voluit, etsi vulgo Collegium Audomarense dicitur, in quo sub regimine unius Praesidis, in gravioribus disciplinis formantur, postquam in studiis inferioribus, sufficienter instituti fuerint. Ita Molanus videatur Ferreolus Locrius, Claud. Robert. &c.*

Gerardus  
Episcopi  
Audomarensis  
meritum.

Jugens  
ejusdem  
meritum.

Promotor  
literariae.

Matthaeus  
Moullartius  
Episcopi  
Atrebatensis  
meritum.

niter Urbem ingressus, demandatam sibi spartam colere & ornare magno animo aggreditur. Quo in munere, tanto cum splendore partes suas gessit, omnesque perfecti Episcopi numeros explevit; ut cum labore pietas, vigilantia, prudentia, modestia, continentia, & caeterae quas in vero Pastore requirit Apostolus virtutes, in coertare de laurea viderentur. Ut quantum in his duobus infimul Benedictini Ordinis Episcopis, uno eodemque tempore Germania nostra utilitatis, exempli, & fructus, & Redivivus in filijs suis Benedictus Pater solatij & gloriae habuerit, facile animadvertas.

Ejus merita  
insignia.

Moriuntur eodem hoc anno Hieronymus Cosentinus ex nobili familia Serfalius Abbas Casinensis, in rebus agendis, ut libro II. Virorum Illustr. Casinatum legitur, mirabilis. Et Dominus Vitalis à Bononia, lumen singulare sacrae familiae nostrae olivetanae, dum in Principe Basilica Neapolitana die cinerum pro concione labores finisset, vitam quoque finiens, omnium civium opinione Sanctus. *Ex Lan- celloro.*

Hen. Hieronymus.

Ponit eodem anno exuvias mortalitatis Gregorius à Virnenburg Sancti Martini Trevirensis Monasterij Abbas suffraganeus Archiepiscopi & Electoris Trevirensis, Vir, ut ejus loci Annales memorant, potens verbo & opere, pro Religione Catholica, miro fervore laborans & pugnans, cum 15. annis Monasterio utilissimè praestitisset, pridie Iduum Junij extinctus.

Gregorius  
à Virne-  
burg Abbas  
S. Martini  
Trevir.

JESU CHRISTI ANNUS. M.D.LXXVIII.  
Sancti Patris Benedicti M. XC.VIII.

Redivivus revera Benedictus in Christianissimo Galliarum Regno, & Fuliensis in primis Caenobio, sub hunc ipsum annum, si uspiam aliàs à tot ab obitu Magni Patriarchae saeculis, se prodidit, & reipsa comprobavit. Joannes Barrerius, primævo Spiritu succensissimus, cum nullis apud plerosque suorum precibus quidquam efficeret, ut ab honesta quidem, laxiore tamen, quam sanctissima requiret Regula, ad strictiorem eosdem vitam persuaderet, accepta ab Romano Pontifice licentiâ & benedictione, pro palatâ passim sanctâ suâ intentione, plurimos undecumque eodem concitatos

V. Joann.  
Barrerij  
merita.

R

tatos